

Íslenskir sjómenn, In memorium

Lag og texti: Bubbi Morthens

Þennan dag var rjúkandi rok og kvika
öskugráa öldu við himin bar.
Trollið var fast og við fundum slinkinn
sem færði okkur á kaf í öldurnar.

Vírarnir strekktir sem strengir á gítar
lögðumst á hliðina ofurhægt .
Síðan hvinur í lofti er vírarnir brustu
augnablik var eins og hefði lægt.

Brimaldan hvíta berðu þeim kveðju
sem biðu heima eftir mér
segðu þeim ég hafi hugsað til þeirra
og í huga mínum var myndin af þér.

Uppi á hamrinum fólkið hópaðist saman
horfði á skipið þokast nær.
Með lófann krepptan um stálið ég starði
á brimöldunnar gráhvítu klær.

Við klettabergið beið okkar gröfin
beðurinn kaldi þennan dag.
Skipið njörvað nötrandi á skeri
að gliðna í sundur við öldunnar slag.

#5. sæti Tónlist.is - Netlistinn (41. vika 2004) 4. vikur á topp 10

Lagið má finna á eftirtöldum útgáfum

- Bubbi - Tvíburinn (2004)
- Ýmsir - Óskalög sjómanna (2007)